

## LATIHAN 4 Syair Pohon Buluh

Baca bahan di bawah dengan telitinya dan jawab soalan-soalan yang berikutnya.

Soalan 1 – 5 berdasarkan bahan di bawah.

### SYAIR POHON BULUH

- |   |                                                                                                                                          |   |                                                                                                                                         |
|---|------------------------------------------------------------------------------------------------------------------------------------------|---|-----------------------------------------------------------------------------------------------------------------------------------------|
| 1 | Menara tinggi banyak bertingkat,<br>Di sana tiada bilik bersekat,<br>Tiada bertangga naik melekat,<br>Mata-mata menjaga segenap pangkat. | 3 | Selalu dipandang dilihat adanya,<br>Tinggi rendah dijerat pangkatnya,<br>Besar kecil ikat binanya,<br>Terlalu kuat pula asasnya.        |
| 2 | Yang ada sedia panji-panji bendera,<br>Hingga sampai ke kemuncak menara,<br>Banyak ada ia bersaudara,<br>Yang ada pula bersama gara.     | 4 | Ikatnya licin di luar di dalam,<br>Gelapnya di dalam seperti malam,<br>Air tak tiris seperti kolam,<br>Ikat tingkatnya tak nampak alam. |

Daripada Antologi *Kuingin Berterima Kasih*, Tingkatan 1,  
Kementerian Pendidikan Malaysia

1. Apakah yang ingin digambarkan oleh penyajak dalam rangkap ketiga syair tersebut?

- A Kehidupan masyarakat yang berbilang kaum di bawah satu pemerintahan.
- B Masyarakat perlu hidup bersatu padu tanpa mengira pangkat dan darjat demi melahirkan masyarakat yang harmoni.

- C Masyarakat perlu menyemai semangat cinta akan negara dalam diri.
- D Kita perlu saling menolong antara satu sama lain dalam kehidupan bermasyarakat.

2. Berdasarkan syair tersebut, perkataan *tiris* membawa maksud
- A menitis.
  - B menadah.
  - C mengairi.
  - D membasahi.
3. Yang berikut ialah nilai yang terdapat dalam syair **kecuali**
- A kerjasama.                      C keadilan.
  - B tanggungjawab.                D kesopanan.
4. Yang berikut ialah kesan kepada negara jika rakyat tidak bersatu padu **kecuali**
- A negara akan menjadi kucar-kacir.
  - B keamanan negara akan tergugat oleh anasir luar.
  - C kemajuan dan pembangunan negara akan menjadi perlahan.
  - D rakyat akan mengamalkan sikap tolak ansur demi memupuk perpaduan negara.
5. Antara yang berikut, persoalan yang terdapat dalam syair ialah
- A perpaduan menjadi teras kejayaan.
  - B sikap berbudi bahasa ketika bergaul.
  - C sikap berani melakukan sesuatu perkara.
  - D sikap leka akan menyebabkan kita ketinggalan dalam arus kemodenan.